

★ OGOW ★ —XAQUUQDA— AAD LEEDAHAY



OGOW XAQUUQDA AAD LEEDAHAY

Waxaa ku istaajiyey askar/saraakiil booliska ka mid ah, ama mas'uul ama wakiil socdaal ama immigration-ka ka socda, ama FBI.

Hadii Uu Bolisku Ku Istaajiyo Ama Ku Qabto

- Xaq baad uleedahay in aadan hadlin. Hadii aad dooneyso in aadan hadlin, u sheeg mas'uulka kula hadlayo. (Gobolada qaarkood waxaa laga yaabaa in aad u baahan tahay in aad isu aqoonsato ama aad u sheegto booliska qofka aad tahay, haddii laguhu tumho ama lagaaga shakiyo in aad danbi gashay.)
- Is daji. Ha ordin. Ha murmin/ ha doodin, ha na dagaalin, hana hor istaagin booliska. Gacmahaagana ku hay meel ey booliska ka arki karaan.
- Weydii haddii aad fasaxantahay in aad tagto ama dhaqaqdo. Haddii jawabtu tahay haa, si deggan oo aamusnaan ah ku dhaqaq ama ku soco/ku tag.
- Ma aha qasab in aad raali ka noqotid ama ogalaato in naftaada/jirkaaga ama alaabta aad sidato la baaro ama la fatiisho.

Hadii Lagu Joojiyo Adigoo Garigaaga/Baabuurkaaga Wata

- Jooji gaariga meel ammaan ah sida ugu dhakhsaha badan oo suurto galka ah. Dami gaariga, shid nuurka/nalka gudaha, fur daaqaada qaarkeed, gacmahaagana saar ama kuhay isteerinka/wheel-ka gaariga.
- Hadii laga codsado, tus booliska leesinka gaariga, diiwaangelinta (teesaraha) gaariga, iyo caddaynta caymiska gaariga.
- Hadii uu sarkaalka-ka booliska ama wakiilka socdaalka ama immigration-ka ku weydiiyo in uu fatiisho ama baadho gaarigaaga, waad diidi kartaa. Laakiinse haddii booliska rumaysan yahay in uu gaariga ama baabuurkaaga ey ka muuqdaan caddaynta dambi ah, wey baari karaan ama fatiisho karaan gaarigaaga iyaga oo aan kaaga baahneen ogolaasho.
- Darawalada ama qofka gaariga wada iyo qofka rakaabka ah ama gaariga kujira, labadu ba xaq bey u leeyihiin ineysan hadlin oo ey aamusnaadaan. Haddii aad tahay qof rakaab ah ama gaariga saaran, waxa kale oo aad weydiin kartaa sarkaalka haddii aad fasaxantahay in aad iska tagto ama iska dhaqaqdo. Haddii ay jawaabtu haa tahay, ka tag meesha adigoo aamusna.

Hadii Lagu Weydiiyo Wax Ku Saabsan Xaaladdaada Socdaalka Ah Ama Immigration-Ka Ah

- Waxaad xaq u leedahay inaad aamusnaato. Qasab kuma tihid in aad ka jawaabto su'aalaha ku saabsan meesha aad ku dhalatay, haddii aad tahay muwaadin Maraykanka ah, ama sida aad ku soo gashay dalka. (Shuruuc ama shuruudho gaar ah bey leeyihiin waxyaalaha ku saabsan xuduudaha caalamiga ah iyo garoomada diyaaradaha, iyo shakhsiyadka sita fiiso non-immigrant ah, oo ay ka midyihiin dadka dalxiisayaasha ah iyo dadka musaafiriinta ganacsiga ah.)
- Hadii aadan aheyn muwaadin Maraykanka ah oo aad sidato ama heysato waraaqo socdaal rasmi ah ama sax ah (waraaqo immigration oo sax ah), waa in aad tustaa wakiilka socdaalka (wakiilka immigration-ka) haddii uu kuweydiiyo.
- Been ha kasheegin waxii ku saabsan xaaladdaada dhalashada ama jinsiyada Maraykanka ah ama ha dhiibin oo ha tusin waraaqo been ah.

Hadu Boolisku Ama Wakiilada Socdaalka (Wakiilada Immigration-Ka) Yimaadaan Gurigaaga Ama Aqalkaaga Ama Meesha Aad Dagantahay

- Qasab kugu ma aha in aad gurigaaga ku soo dhaweyso ama soo galiso hadeysan wadan/sidanin waraaq ama amar oo saxiixan oo ka socda qaadi ama Judge-ka.
- Weydii in ey ku tusaan waraaqda ama amarka qaadiga/judge-ka ey sitaan. Saraakiisha booliska na waxa ey kaliya baari ka raan ama fatiisho karaan meelaha ama waxyaabaha ku qoran waraaqda ama amarka saxiixan. Waraaq ama amar saxiixan oo kusaabsan xiritaan qof ah, waxuu siin karaa booliska xaq ey ku soo galaan guriga qofka magaciisu ku qoranyahay waraaqda ama amarka saxiixan haddii ay rumaysan yihiin ama aaminsan yihiin in uu qofka gudaha kujiro. Amar ama waraaq ku saabsan tarxiil ka (qof la tarxiilayo) (Amar/waraaq ICE) ma siineyso xaq in ey saraakiishu (booliska) soo galaan guri iyagoo aan loo fasaxin ama loo ogalaan.
- Xitaa haddii saraakiisha booliska ay heystaan, waraaq ama amar ka socda qaadi, xaq baad u leedahay in aad aamusnaato oo aadan hadlin. Haddii aad damacdo/rabto/dooneyso in aad hadasho, ka soo bax gurigaaga, albaabkaaga na xir.

Haddii Uu Boolisku Ku Xiro Ama Ku Qabto

- Ha la dagaalin.
- Waxaad tiraahdaa ama usheegtaa in aad rabto ama dooneyso in aad aamusnaato oo aadan hadlin oo aad weydiisato muxaami ama qareen ama abukaato. Haddii aadan awoodi karin qaraan ama muxaami, dowladda waa inay mid kuu qabataa ama ku siisaa.
- Ha odhan/oran waxba, ha na saxiixin waxba, hana qaadan go'aanno ama qaraar adigoo muxaami ama qareen uu san kula joogin.
- Waxaad xaq u leedahay in aad dirsato ima isticmaasho telefoonka maxalliga ah. Booliska xaq uma laha in ey ku dhageystaan hadaad lahadleyso ama wacdo muxaamigaaga ama garyaqaankaaga.
- Ha kala hadlin xaaladdaada socdaalka ah ama xaaladdaada immigration-ka ku saabsan cidna oo aanan ka aheyn muxaamigaaga ama qareenkaaga.
- Waxaa laga yaabaa mas'uul ama wakiil ka socda xarunta socdaalka (ama Immigration-ka) in uu xariga ama jeelka kugu soo booqdo. Ha ka jawaabaan su'aalo, hana saxiixin waxba adigoo aanan la hadlin muxaami ama qareen.
- Waraaqaha lagu dhiibo si fiican u aqri. Haddii aadan fahmin ama aadan aqrin karin waraaqaha, weydiiso ama sheego in aad u baahantahay turjubaan ama qof kuu turjumo.

Haddii Lagu Qaado Ama Lagu Geeyo Jeelka Xarunta Socdaalka Ama Immigration-Ka (Ama "ICE")

- Waxaad xaq u leedahay inaad hesho muxaami ama qareen khaas kugu ah, laakiinse dawladdu ku ma siineyso mid. Haddii aadan haysan muxaami ama qareen, weydiiso liiska muxaamiinta ama adeegyo sharci ah oo bilaash ah ama qiimo-yar ama qiimo jaban.
- Waxaad xaq u leedahay in aad la xiriirto safarada ama qunsuliyada dowladdaada ama weydiiso sarkaalka ama mas'uulka in uu isheego safaradaada ama qunsuliyada wadankaaga in aad xeran tahay ama lagu xiray.
- U sheeg sarkaalka socdaalka ama sarkaalka immigration-ka in aad rabto inaad aamusnaato ama hadlin. Ha kala hadlin xaaladdaada socdaalka ama xaaladdaada ku saabsan immigration-ka qof aanan ka aheyn muxaamigaaga ama qareenkaaga.
- Ha saxiixin waxba, sida ogalasho tabaruc ah ama ka timid xagaaga oo bixitaan ah ama ogalaasho saarida ku xusan ama ku saabsan, adigoo aanan la hadlin muxaami ama qareen. Haddii aad saxiixdo waraaqaha, waxaa laga yaabaa in aad beesho ama kaa lunto fursad aad isku daydo in aad Mareykanka ku sii joogto.
- Ogow lambarkaaga socdaalka ama immigration-ka ah ("##" lambarka) oo u dhiib qoyskaaga ama cidaada. Waxay ka caawin doontaa in ey ku helaan ama helaan meesha aad joogto.

Haddii Aad Dareento In Xuquuqdaada Lagu Xadgudbay

- Qor wax walba oo aad xasusato, oo ay ku jiraan Bajka ama nambarka badaaqada saraakiisha iyo nambarka gaariga askarta ama booliska, iyo qeybta ama meesha ey saraakiisha ka socdaan, iyo wixii faahfaahin kale oodhan. Qaado macluumaad ka la xiriirka iyo telefoonada markhaatiyada kula jooga ama dad arkay arinta. Haddii uu dhaawac ku gaaray, islamarkiiba raado daryeel caafimaad ama tag isbitaalka, sawiroon ka qaad dhaawacaaga.
- Dhiibo ama gudbi cabasho ama dacwo qoraal ah oo aad u gudbin qaybta hay'adda arrimaha gudaha ee booliiska ama guddiga cabashada dadka rayidka ah. Xaaladaha intooda badan, haddii aad rabto, waxaad u gudbin kartaa cabashadaada ama dacwadaada si qarsoodi ah.

Macluumaadkan halka ku qoran looguma tala galin in ey tahay la-talin sharci ah. Gobolada qaarkood sharciyadooda wey kala duwanaan karaan. Xarumaha isbaarinta iyo meelaha ka soo galinta Maraykanka (oo ay ku jirto xarunta garoonka diyaaradaha) waxey leeyihiin shuruuc gaar ah. Waxaa la qoray disember 2016 (Updated December 2016.)

Wixii macluumaad dheeraad ah, waxaad waci kartaa ACLU kaaga maxaliga ah www.ACLU.org/affiliates.

ACLU